



O Volapükakflens Valöpo!

Volapük binon deadik! No dabinsons pösods seimo, kels nitedälons tefu on! No lärmolsöd Volapüki, bi no dalabon futüri in vol adelik. Plas lärmön Volapüki, lärmolsöd Sperantapüki, kel binon pük ko futür gretik, kel binon pük bevünetik verik! Ab binos-li jenöfo so?

Medü Sperantapük kanoy spodön ko pösods mödik, medü Volapük kanoy i spodön, ab ko pösods nemödik; medü el Interlingua kanoy spodön ko pösods mödikün ma slopanz püka at.

No kanoy visitön Volapükakongredis äs jenons in Sperantapük ed in el Interlingua, bi liedo no plu dabinsons. Ab lärmoy-li püki bevünetik ad komön in kongred alyeliko? No! pluamanum pösodas lärmöns püki somik ad reidön, spikön e spodön, e ko Volapük kanoy dunön dinis at.

Sperantapük, äs Volapük büo, äbinon pük pöpedik, ab ün dels obas eperon veüti ona. Koefob, das lif ona ebinon lunikum, ka lif Volapüka, ab pianiko nepubon. Län obik neai evilon daoptön oni, bi cedon. das Linglanapük ya binon pük bevünetik verik. E läns votik, evilons-li daoptön Sperantapüki äs pük bevünetik? Liedo no. Verat binon, das pösods adelik no plu nitedälons tefu pük mekavik bevünetik. Dial at eperon veüti oka.

Sekü atos, no sagolsös, begö! das Volapük no plu lifon, e das Sperantapük maston valikosi; buikumo sagobsös verati dö püks bofik, i no glömoisös, begö! eli Interlingua, kel i dalabon mufi, kel glofon ai!

Valikosi Gudikün Oles ed Olikanes

sedom

**III:18:2002**

**PLIN SMALIK (XXVI)**

**(DIL KILID)**

**FA ANTOINE DE SAINT-EXUPÉRY**

"Mens labons stelis, kels no binons sümiks. Pro ans, kels tävons, stels binons dugans. Pro votans stels binons te lits smalik. Pro votans, kels binons nolans, stels binons säkäds. Pro büsidan obik äbinons äs gold. Ab stels valik et seilons. Ol, olabol stelis somik äs nek labon . . . "

"Kisi atos sinifon-li?"

"Ven ologedol sili neito, bi olödob in bal onas, bi osmilob in bal onas, so obinos pro ol äsif stels valik äsmilons. Olabol, ol, stelis, kels sevons ad smilön !"

Ed äsmilom nogna.

"E ven potrodol (ai trodoy oki), okotenol, das eseivol obi. Obinol ai flen oba. Oledesiröl ad smilön ko ob. Ed omaifükol semikna fenäti ola, somo, pro blesir. . . E flens olik ostunikons ad loegön smilön oli, sili logedölo. Täno osagol ones : Si ! stels ai koedons smilön obi ! Ed ocedons, das binol lienetik. Udunob ole luduni vemo badiki . . . "

Ed äsmilom nogna.

"Obinos äsif egivoböv ole, pla stelis, mödotis klokülas smalik, kels sevons ad smilön . . . "

Ed äsmilom nogna. Täno ävedom fefik dönu :

"Ün neit at. . . sevöl osi. . . no kömolös."

"No olüvob oli."

"Ojinob dolön. . . boso ojinob deadön. Binos so. No kömolöd ad loegön etosi, no digädos töbi."

"No olüvob oli."

Ab äkudom.

### III:19:2002

"Sagob ole osi . . .binos i kodü snek. No zesüdos, das beiton oli. .  
.Sneks binons badöfiks. Kanons beiton pro blesir . . . "

"No olüvob oli."

Ab bos ätakedükon omi :

"Binos veratik, das no plu labons veneni pro beit telid. . . "

Ûn neit et, no äloegob omi vegön. Imofugom nen noid. Ven  
äplöpob ad kolkömön omi dönu, ägolom fümäliko, ko step vifik. Te  
äsagom obe :

"Ha! Ekö ol ! . . . "

Ed äsumom nami obik. Ab ätomom oki dönu :

"Äbinol negidetik. Oglifol. Ojinob deadik, e no obinos veratik. . . "

Ob, äseilob.

"Ab obinos äs jal bäldik pemojedöl. No binons lügiks - jals  
bäldik . . . "

Ob, äseilob. Äsäkuradikom boso. Ab ädunom nogna töbidi :

"Obinos plitülik, sevol. Id ob ologedob stelis. Stels valik obinons  
fonäds ko pulit ruilik. Stels valik osegifons obe, dat odrinob. . . "

Ob, äseilob.

"Obinos so muadik ! Olabol klokülis lultumbalion, olabob  
fonedis lultumbalion. . . "

E id om äseilom, bi ädrenom.

"Binos us. Leadolöd obi dunön stepi bal go soeliko."

Ed äseidom oki, bi ädredom.

(Fin kapita su pad 24)

**DOM IN KLERÄTALUSÜT (8)**

**Koned fa el Johann Schmidt**

*Dokan Schlägel lofom pläni dilik bisarikas dinädas*

Ven fino äplödievegobs, e ven poso ästanobs in fagot bosik de dom, el Hausenstein no äfägom fagikön de dom e de lusüt. Ai dönu älielob, das in balspikot pläo\* nesuemovik oka ämäniotom nemi Lindänana. Ädulos dü minuts anik, jüs dönu igetom süeni.

Ägleipom fimiko bradis oba ed äsagom me vög lafalaodik :

"Nu, ven ebo dinäd rätöfik bal petuvedon, sunädo rätöf\* nulik dönu edavedon. Lio plän ola dö dinäd at tonon-li?"

"Igo jäfüdisewan hüpnoda kanomöv nunön ole pläni te diliki," ägespikob. "Ob, as nesevan tefü jäfüd at, kanob sagön te sökölösi: El Sinkah ililom ettimo in zif Kalkuta noe smili kofik ola, abi vödis lukrütik ola, kels isökons smili at. Äsenälom leskani vemik dub bit nekösömik ola. Pö xam tefü pötöf\* ola ad dium äbitom käfiko, bi pas pos rätam folnaik änemom verätiko tatareigäbami\* olik. Käf oma id äjenükon osi, das pas latikumo, pos jäfs oma ko votikans anik, äbegom ole kömi sui boedaskaf. Ed us löpo, jäfs omik ko kap ola leno äbinons neskiliks, ven ädesumom dinis valasotik se herem ola, de flom e de tämeps ola. Dun at äjenon te näio\*, ibä dub gleip at, dub kontags e lülogam laidik ihüpnodom oli lölöfiko. Ini spik nelaodik nesuemovik äninükom бүдүлс omik, kelis äloveükom ole me mod at. Jü stadäd at kanob plänön ole dinädi at. Täno ye utos valik oneodos jäfüdisewani pro plän nemu dilik. Liokodo vobed hüpnoda äkanon-li dulön dü yels so mödiks? Üfo, sotül hüpnoda komädon-li, kel ofövon oki bai sökaleod, äsvo so, äsä lims jäna sökons odis. Buk et fa ol pemäniotöl no ejonon ole zifi isik asä top jenas in drims olik, ab el Sinkah ito idunom atos; tefü atos dot nonik kanon davedön. Nu pas, su plad kilid, jen klänöfik, jen neplänovik sökön. Cedob osi dini neplänovik, das el Sinkah ifägom-la, ad stadükön oli so gudiko ini süfüls soelik, äsva ol ito ibelifol jenotis valik, das äsvo idavedükom ole vobedi, kel ägevon ole sevi kuratik stadädas e jenotas valikas, igo pülikünas. Din at üfo neodonöv nog pläni. Ab kikodo-li mögädo\*?"

### III:21:2002

Valemo dinäd lölik etuvon tuvedi oka. Mobob, das nu lomiovegobsös!"

"I cens in drims obik, e leigo drim dö lefail lusüta e dö lefog gretik sus on, dutons lü dil neplänovik at," el Hausenstein äsagom laidäliko.

"Nö! nö!" ävokädob smilölo. "Zilogolös ga! Is dins valik stadons in leod gudikün; is lusüt binon, us dom binon. Vö! in tef at magäl tuik reigon pö ol. Säkusadolös blami at oba! Taspik at äbinon voiko zesüdik."

Lä sütagul balidfovik gol kobädik obas äfinikon.

Tost\* söla Melling no äblinom dokane Hausenstein benoseki seimik. Posä ünü dels deg no nog dönu ivisitom obi, ävegob lü lödöp oma. Us jidalaban doma änunof obi, das el Hausenstein ideadom ya bü dels mäl dub paopläg\*, e das sepül büfik oma ätopon in ledeadanöp zifa isik. Pas pos sepülam dokana ituvof päkili\* fa el Hausenstein päsnilöli\*, keli ägivof obe.

Deadam dokana Hausenstein bo binon suemovik, kodü bäld vemik oma. Yumedü dinäds bisarik at cedob oni ye jenoti vemo bisariki, kel äblinon obe kofudi nulik.

(Fin osökon ün mul balidkömö!)

---

MÖGÄDO	eventually	PÖTÖF	feasibility
NÄIO	incidentally	RÄTÖF	mystery
PÄKIL	a packet	SNILÖN	to seal
PLÄO	otherwise	TATAREIGÄBAM	counter-resistance
PAOPLÄG	apoplexy	TOST	a toast

---

### DIN VERATIK

Nün badik pakredon ai sunädo

**III:22:2002**

**PÖN KION !**

Mans kil, Tsyinānan, Deutānan e Linglānan ätävoms in Tūrkān.

Ūn del seimik, äbrietikoms ed änoforns dinitani läna. Sekū atos, ämutoms papönön me batūlis teldeg.

Man balid ad pabataflapön äbinom Tsyinānan.

"Vilol-li, das röbob leūli su bāk olik ad läsükön doli ?"

"Si, si, " ägespikom Tsyinānan, e flapabatan ädunom osi.

Dū flapabatam, Tsyinānan äluvokādom ed ädrenom; poso ākanom tōbo löstanön.

Tān äbinom turn Deutānana.

"Vilol-li, das röbob leūli su bāk olik ad läsükön doli ?"

"No !" ägespikom Deutānan, ed äsäklotom jiti.

Dū flapabatam Deutānan äbinon ai seilik; poso älōstanom nen fikul ed āmogolom.

Lätikūno äbinos turn Linglānana.

"Vilol-li, das röbob leūli su bāk olik ad läsükön doli ?"

Pos tik anik, Linglānan ägespikom : "Dalob-li labön Deutānani su bāk obik ?"



**HIEL BENJAMIN FRANKLIN SAGOM . . .**

Galedolöd frädilis. Voadahogil osādon nafi.

Ad lunükön lifi olik, läsükolöd fidādis ola.

GUD KÖMON SE VALIKOS

Hiel Paul äbinom pul jönik e visedälik. Äbinom pul bäldikün famüla - älabom lifayelis degmä. Gems oma lul älöfons omi vemo, bi ven fikuls seimik äplösenons okis, el Paul ai äbinom us ad trodön e ad yufön onis if äkanom dunön osi.

Fat omik äbinom man nämik; sekü atos ävobom lä käv, kiöp ätovom ed äpolom canis mu vetikis. No äbinom man kapälik, ab man muskulabik, e dub muskuls at ai imeritom kosidi okik ad stütön famüli.

Mot äbinof vom svidik e takedik. No äsagof mödikosi, ab sekü vob oka in domil, imekof topi at lomöfiküni. Ün del alik äbinof us ad dünön nepöloviko famülanis alik nen tikön dö ok it.

Gems ela Paul ästudons in jul zifa. Do mon mödik ädefon, el Paul ädunom suvo vobodis valasotik ad spälön moni saidik ad studön in niver, bi änitedälom tefü matemati, ed ävilom, ünü yels tel, panüpenön ini tidodem niverik bukädanolava. Ikalkulom, das pos yels tel ölabom moni saidik ad pelön frädis muik oka. Yüo ävobom dü livüp okik as delagasedipolan ed as kädan nelaidik in bal lemaketas zifa. Pianiko mon äglofon, e pos yels tel, el Paul ispalom moni saidik.

Ün sudel bü nüpenam niverik oka, el Paul ispatom in länäd ed äbinom fenik, bi igolom fagio. Gekömol love lubel, älogom, das fo domil ästanon malädanivabed. Sunädo äprimom ad rönön, bi töbo äkanom kredön logis oka.

"Kis ejenos! " ävokädom mote.

(Fini konota kanol reidön ün mul okömol)

### III:24:2002

Ālūtūkom: -

"Sevol. . . flor obik. . .gididob tefū on! E binon so fibik! Binon so balugālik. Labon spinis nenveūtik fol ad jelōn oki ta vol."

Ob. āseidob oki. bi no plu ākanob lōstanōn. Āsagom :

"Ekō ! Binos val . . . "

Āzōgom dōnu boso, poso ālōstanom dōnu. Ādunom stepi bal.

Ob. no ākanob mufōn.

Ādabinon te leklārastral yelovik nilū futayoin omik. Āblibom dū timūl nenmufo. No āvokādom. Āfalom sofiko ās falon bim. Igo no ādabinon noidil kodū sab.

(Kanol reidōn kapiti lātik konota at in Sirkūlapenāda ün mul okōmōl)

ĉ ĉ ĉ ĉ ĉ ĉ ĉ ĉ ĉ ĉ ĉ ĉ ĉ ĉ

### SAGAT MEBABIK

Dials binons ās stels. No oplōpol ad kontagōn onis me nams, ab, ās nafan, vālol onis as geids ola, e sōkōl otis, orivol fāti olik.

( Charles Schurz )

Kredob mō dilil lelūgik jenava. Kredob, das dabinon lelūg mana, kel vobom mu verno, e kel neai dagetom utosi, kelosi vilom. Tāno, kredob, das dabinon lelūg igo biedālikum mana, kel fino dagetom utosi, kelosi vilom, e kel letuvom, das jenōfo no vilom osi.

( Henry Kissinger )

E fino

Smilil binon fagot brefikūn vū pōsods tel